



Setiap hari berbau mayat

Bm 22/6/08

SEBELUM ini, saya pernah menceritakan pengalaman di India ketika mengikuti kursus A-Level di Manipal Junior College selama dua tahun. Itu hanya permulaan.

Pengalaman sebenar mengikuti kursus perubatan peringkat universiti bermula apabila diterima memasuki Kasturba Medical College (KMC) di Manipal. Bermula 1991, saya belajar di sini hingga tamat pengajian pada 1997.

Memasuki universiti ibarat suatu dunia baru. Segala perkara berbeza. Bagaimanapun, saya juga datang dengan semangat baru. Ramai pelajar warga asing dari setiap pelosok dunia mengikuti kursus perubatan di sini. Saya bersyukur diterima sebagai antara 180 mahasiswa tahun pertama.

Anatomi, fisiologi dan biokimia adalah mata pelajaran yang diajar pada tahun pertama. Mata pelajaran kegemaran saya sudah pasti adalah anatomi. Saya bersama sembilan mahasiswa lain diberi satu mayat. Setiap hari, kami berhempas pulas memeriksa dan membedah mayat yang kami namakan sebagai Max.

Setiap petang sebelum pulang, badan kami melekat dengan bau formalin yang datang dari mayat itu dan terpaksa bergegas pulang untuk mandi bagi menghilangkan bau itu.

Kami mempelajari setiap lapisan otot, urat dan salur darah tubuh manusia. Paling menyeronokkan apabila membedah jantung dan otak. Kalau dulu sudah biasa dengan katak dan tupai, kini tubuh manusia sebenar dijadikan subjek setiap hari.

Terima kasih kepada abah yang sering menggalakkan saya membaca buku bertemakan sains dan biologi sejak kecil. Pengalaman dan minat yang mendalam sejak awal sudah pasti membantu saya melalui liku-liku kehidupan

Pelajar perubatan di Manipal dapat satu mayat seorang khusus untuk subjek anatomi

sebagai seorang doktor perubatan.

Di Manipal, saya aktif dalam sukan renang. Apatah lagi KMC mempunyai kolam renang saiz Olimpik dan setiap petang, saya tidak melepaskan peluang berlatih berenang.

Apabila memasuki tahun ketiga dan keempat, mata pelajaran yang perlu dipelajari semakin banyak seperti farmakologi, forensik, perubatan dan surgery. Apabila memasuki peringkat klinikal, keadaan menjadi semakin rumit kerana perlu berinteraksi dengan pesakit yang kebanyakannya adalah penduduk kampung yang tidak boleh bertutur bahasa Inggeris.

Penyelesaiannya? Kami terpaksa mempelajari bahasa tempatan serba sedikit untuk membantu memberikan rawatan terbaik kepada mereka.

Bukan hanya di India, saya percaya mahasiswa perubatan tanah air yang belajar di Mesir dan Russia juga terpaksa mahir dalam bahasa

tempatan untuk lulus dalam peperiksaan klinikal.

Untuk menjadi seorang doktor, tidak semesti hanya duduk di perpustakaan seperti anggapan kebanyakan pihak. Saya memastikan setiap hari menghabiskan masa selama dua jam mengulang kaji pelajaran.

Saya juga bersosial dan menyelami kehidupan penduduk tempatan. India adalah sebuah negara yang besar, kaya dengan sejarah dan sungguh menyeronokkan dijelajahi. Saya menaiki kereta api dan mengembara hingga New Delhi, melawat tempat bersejarah seperti Kashmir, Hyderabad, Goa dan semestinya keajaiban Taj Mahal di Agra.

Kesempatan tinggal bersama keluarga India sebagai anak angkat saya gunakan untuk mempelajari dengan lebih mendalam budaya mereka. Di sini, saya melihat jurang antara golongan kaya dan miskin sangat besar. Perasaan saya apabila melihat kanak-kanak kecil yang mengemis di bandar.

Saya akhirnya mendapat keputusan cemerlang dalam peperiksaan akhir. Ijazah perubatan kelas pertama dan akhirnya kami bergelar doktor.

Kini sudah 10 tahun pengalaman belajar di India berlalu. Saya berazam untuk pulang kembali ke Manipal dalam tempoh terdekat untuk mengingati kembali memori manis yang sentiasa terpahat pada diri ini.

Minggu ini, saya berada di Pulau Pinang selama lima hari untuk berkongsi pengalaman dan menyampaikan ceramah motivasi bersama pelajar di sini.



badan

m/s 5

at



DR SHEIKH
dikerumuni
pelajar
selepas
menyampaikan
ceramah
motivasi
ketika
melawat
Institut
Pengajian
Tinggi (IPT)
dan sekolah.

Ini adalah kali keempat saya ke Pulau Pinang sejak kembali ke bumi. Saya tidak pasti mengapa. Ketika berada di angkasa lepas, saya berkesempatan melihat Pulau Pinang, Pulau Mutiara yang begitu indah dari jendela ISS.

Mungkin itu yang menyebab-

kan saya sering kembali ke pulau bersejarah ini. Saya juga sempat ke Yan, Kedah dan bermesra bersama kira-kira 2,000 pelajar dari 160 sekolah berdekatan dengan harapan dapat memberi perangsang agar mereka juga mampu mengejar impian mereka.

Rencana